

Michlbauern - Rud

Rudenkirtag Sierning Faschingdienstag am 5.3.2019



<p>Bevor mir heia auhem miasts uns a Datenschutzerklärung gebn derfan nur numman heia singa ois anonym vorbringa mir san de Rud mit da numma 4 singan oan au links vo da tia zoin duat da Herr vo tisch nr 6 wei der hot wos kopt mitn digs seina ex</p>	<p>Da Forsthofwirt ein Weinsomelier hot heit Geburtstog wissts des e mir schlogn vor an Rollentausch heit san mir grantig du host an Rausch mir kassiern für deinen Fussl du host morgn nu einen Dussl unsa Briaftoschn tatse gfrein und auf d´Nocht kaunst söba speim</p>
<p>Da Niki Lauda hot a goldenes Händchen is ba de Fluglinien a Stehaufmännchen de Engal im Hümmi dan rebeliern waun der kimmt soima fia eam fliagn drum hotn da Herrgot glei vajogd weila sein Schutzöngi so plogt söbst da Teufi hot bedenken wei er hot nix zan waschenken</p>	<p>Bei uns en Oscha wird koa Ruah sperrt da Deggnfellna leicht zu s´ griassn wird vo eam misachtet und d` Freundlichkeit hota net gepachtet er prädigt immer fahr nicht fort kafts bei mir bleibts im Ort weila in Neikircha so zwida schaut is üba d´ Nocht da Bankomat okaut</p>
<p>De Eisenhuber Ingrid hot an Rundn gfeiert auch die Raika hota Geschenk beigsteuert als Dankeschön fürs Ehrenamt gibt's an Blumenstrauß in Dül und Samt sie zagt hoam wos kriagt hot heit und zoagtn en Hauns volla Freid er analysiert daun kimmt eam in Sinn des is a Zeichn de Distl do drin</p>	<p>D´ Luaga Traudi hot ois en griff is wirtschaftlich und sehr wiff im Logahausvorstaund hüfts gschwind do waht hiatzt a aunderer Wind bei da Goidhaumgruppn haums erzöht wern de Uhrn nei eigstöt sie is wia d´ Merkl net oiweu fei und schaut a weing wie sie drei</p>
<p>Da Traktor Bulla hot an Grund kaft weilas im Ort nimma schafft da Plotz geht hint und vorne üba a Bürocontainer steht schau drüba jo Baun dan schau schwosn hiatzt ziahta in d` Logahausstroßn und da Koim Hauns des is der Krocha ziagt zan Popadöckimocho</p>	<p>Im Fernseh hot da Zauner Hubert erklärt das bodn zu sein Hobby kehrt des alloani is net schwa waun sei Bodwaun net d´ Steyr wa 17 Grad da Spitzenwert im Winta 8e hauma kehrt wauna aussn Wossa ausasteigt steht koa Adam weit und breit</p>
<p>De Brunnbaun Gerlinde is ban obstglaubm a Gschwinde und wauns gibt so fuh steht sogar ihr Mundwerk stü des merkt da Hauns er denkt no und kippt de Fuhr glei nuamoi o daun kauns mit eam net sovü köwen si braucht wia d´ Heana wos zan gräwin</p>	<p>Wos is aun dera EU nu drau de Britn bringma net au d´ Franzosn trogn göbi Westn und dan den Aufstaund testn en Brüssl schrillen Sirenen und Hupen drum gründns de schölle Eingreiftrupp vo Österreich schickma en Püz voraus der greift net ei sondern aus</p>

<p>In Waldneukirchen des Gotteshaus steht nimma laung so schauts aus a große Sprung geht durch die Deckn da Putz foid oba vo de Eckn en Wenzl Adi mocht des zu schoffn kau in da Kircha nimma schlofn dochs munta bleibn hot sich erledigt waun da Pfora Hoffmann prädigt</p>	<p>S´ Logahaus hot fusioniert wos hot de lviertla do imponiert san sôm fleisig, haum a Göd des den Traunviertlan föd en wirklichkeit dans us untagrobn woin s´ Weltkulturerbe hom drum wird Nexts Johr do en Sierng da l´ Viertla Landla gschriean</p>
<p>Da Lehna Sigi des is bekaunt wor DER Junggsö im gaunz Laund bei Me To de Aufregung wora dabei mit vollem Schwung sei Scharm ist weg nun bei de Hosn weila beide Kiwara hod einiblosn Führerschein weg, jetzt is a Rua und ban Vakehr schauta nur mehr zua</p>	
<p>Fia des nächste G´ stanzl haum wir genommen den Rat von einer gewissen Person uns zu Herzen und wir hoffen wir bereiten dir damit nicht all zu große Schmerzen mir haum uns bemüht wo es ging haum uns kurz gehoitn haum de Wörter richtig gstellt in jedem Satz in jeda Spoitn haum keine Wörter doppelt verwendet nur in Ausnahmefällen is jo net so oafoch fia uns Baunbuam aus den Ställen Christl vagötsgott fia deine Hinweise, dei wichtiges eibringa oba des is wirkli vadaumt schwa zan singa.</p>	